



Inatsisartunut ilaasortaq,
Hans Enoksen,
Naleraq
Maani/

§ 37 naapertorlugu apequtip nr. 28-2025-p akineqarnera

15-05-2025

Suliap normua: 2025 - 10127
All. nr. 25342312

Inatsisartut suleriaasianni § 37, imm. 1 malillugu qalerallit pillugit Naalakkersuisunut apequtinik saqqummiussaqaqputit. Apeqqutit suliassaqaqfigisannit akineqartussanngorlugit innersuunneqarput.

Postboks 269
3900 Nuuk

Oqarasuaat (+299) 34 50 00

Fax (+299) 34 63 55

E-mail: apn@nanoq.gl

www.naalakkersuisut.gl

- 1. Sinerissami qalerallinnartunut pisassiissutissat paggatassanngorlugit qanoq annertutiginiarpat aqutsiveqarfik Upernavimmut, Aqutsiveqarfik Uummannamut, Aqutsiveqarfik Qeqertarsuup tunuanullu. Immikkoortillugit pisassiissutit paaserusuppakka.**

1 pillugu) Aqutsiveqarfik 47-mi aqutsiveqarfinnut tamanut atatillugu PNNP-mik aalisartartunut paggatassiissutinillu aalisartartunut pisassiissutissat agguarneqarnissaat suli aalajangersarneqanngilaq. Aqutsiveqarfinni tamani paggatassiissutinik aalisarnermiit PNNP-mik aalisarnermut ikaarsaariarneq tunngavigalugu agguaassinissamut najoqqutassamik Aalisarnermut, Piniarnermut, Nunalerinermut, Imminullu Pilersornermut Naalakkersuisoqarfik suliaqarsimavoq. Tamanna Naalakkersuisunut isummerfigineqartussaavoq. Agguagassat akuerineqartut tamanut saqqummiunneqassapput, aqutsiveqarfinnilu tamani pisassiissutinit qaqitat malinnaaffigineqarsinnaassallutik, ugguuna www.gfik.gl.

- 2. Aasiaat aammalu Kangaatsiaq eqqaamiulu immikkut qalerallinnik paggatassanik pisassinneqarniarpat?**

2 pillugu) Aasiaat Qeqertarsuup Tunuata aqutsiveqarfianut ilaavoq. Taamaattumik tassani paggatassiissutinik PNNP-millu aalisartoqartarpoq. Kangaatsiaq Aqutsiveqarfik Sisimiut-Maniitsoq-mut atavog, aalisartulli ilaat Kangaatsiami najugaqartut aqutsiveqarfik 47-mi aalisarsinnaanermut akuersissuteqartariaqarput, taamaallutillu PNNP-mik paggatassiissutilluunniit naapertorlugit aalisarsinnaanermut akuersissuteqassallutik.

- 3. Aalisartut qassit qalerallinniarnermut akuersissutaateqarpat?**

3 pillugu) Kalaallit Nunaanni tamarmi sineriammut qanittumi qalerallinniarinnaanermut akuersissutaatillit ulloq 14/5-2025 1739-nik amerlassuseqarput. Aqutsiveqarfik 47-mi; Qeqertarsuup Tunuani, Uummannami Upernavimmi aqutsiveqarfinni sineriammut qanittumi qalerallinniarinnissamut akuersissutaatillit 1370-nik amerlassuseqarput.

- 4. Pnnp qalerallinniarnermut qassiuppat akuerineqarsimasut?**

a. Kiisalu qassit paggatassanik aalisarnissamut allagartaqarpat?

b. Upernaviup aqutsiveqarfiani? eqqaamiui ilanngullugit aalisartut amerlassusii ilanngullugit akineqarnissaat kissaatigaara.

4 pillugu) Aqutsiveqarfik 47-mi; Qeqertarsuup Tunuani, Uummannami Upernavimmi aqutsiveqarfimmi umiatsiaararsorluni PNNP-mik aalisarsinnaanermut akuersissutaatillit 609-nik amerlassuseqarput.

4a pillugu) Aqutsiveqarfik 47-mi; Qeqertarsuup Tunua, Uummannaq Upernavillu pillugit aqutsiveqarfimmi paggatassiissutinik qaleralinniarsinnaanermut akuersissutaatillit 761-nik amerlassuseqarput.

4b pillugu) Aqutsiveqarfik Upernavimmi, tassa Upernavimmi eqqaanilu umiatsiaararsorluni paggatassiissutinik aalisarsinnaanermut akuersissutaatillit PNNP-millu aalisarsinnaanermut akuersissutaatillit 268-nik PNNP-millu aalisarsinnaanermut akuersissutaatillit 102-nik amerlassuseqarput. Aqutsiveqarfik Upernavimmi aalisartut katillutik 370-iupput.

5. Uummannami aalisartut qassit Pnnp-mut akuersissutaateqarpat?

a. Taavalu paggatassanik aalisartussat akuersissutaatillit Uummannami eqqaamiuulu qanoq amerlatigippat akuersissutaatillit?

5 pillugu) Aqutsiveqarfik Uummannami, tassa Uummannami eqqaanilu umiatsiaararsorluni PNNP-mik aalisarsinnaanermut akuersissutaatillit 211-upput.

5a pillugu) Paggatassiissutitullu naapertorlugit qaleralinniarnissamut akuersissutaatillit 142-nik amerlassuseqarlutik.

6. Qeqertarsuup tunuani aalisartut qassit pnnp-mut akuerineqarsimasut amerlassusiat kisitsisinngorlugu qassiuppat?

a. Aammalu paggatassanik qaleralinnut akuersissutaatillit Qeqertarsuup tunuani akuersissutaatillit qassiuppat kisitsisinngorlugit paaserusuppakka.

b. Aasiaat eqqaamiui aammalu Kangaatsiaq eqqaamiuulu ilanngullugit qaleralinniarnissamut Pnnp-mut akuerineqarsimasut qassiuppat?

c. Aammalu paggatassanik qaleralinnut aalisartut qassit akuersissutaateqarpat?

6 pillugu) Qeqertarsuup Tunuata aqutsiveqarfiani umiatsiaararsorluni PNNP-mik aalisarsinnaanermut akuersissutaatillit 241-upput.

6a pillugu) Qeqertarsuullu tunuani najugaqarlutik paggatassiissutinik aalisarsinnaanermut akuersissutaatillit 297-nik amerlassuseqarlutik.

6b pillugu) Aasianni PNNP-mik aalisarsinnaanermut akuersissutaatillit 10-upput Kangaatsiami eqqaanilu PNNP-mik aalisarsinnaanermut akuersissutaatillit 7-ullutik. (aalisarsinnaanermut akuersissutaatillit 3955-imik postnormullit)

6c pillugu) Aasianni paggatassiissutiniq aalisarsinnaanermut akuersissutaatillit 23-upput Kangaatsiami eqqaanilu paggatassiissutiniq aalisarsinnaanermut akuersissutaatillit 15-ullutik.

Inussiarnersumik inuulluaqqusillunga



Aalisarnermut, Piniarnermut Nunalerinermut Imminullu pilersornermut Naalakkersuisoq